



曩謨童真體固普眼光明
曠劫修因廣行檀施威神
自在願力宏深應化多方
天人敬仰佛佛出世擁衛
無窮護法韋馱尊天菩薩





李氏夢記

彥弼乾道癸巳家染疫疾四月五日彥弼亦
病粥藥不進至十九日早夢一人褐衣神貌
清癯以手撫摩彥弼肢體而呼彥弼令速起
彥弼惕然問曰公何人耶答曰予即龍舒也
彥弼因告以疾病雖欲支持莫能將何以愈
其疾乎公曰記省闕仲雅教汝捷徑否彥弼
曰然每日持誦阿彌陀佛不輟公曰汝起食

白粥即可既寤索粥食之病果隨愈後見龍
舒畫像儼然如夢中見者彥弼稔聞居士潛
通六藝尤精於易誨人不倦所至學者輻湊
謝君以靜逸堂待之戶外之屨常滿正月十
一日令子姪往承其教不久回云居士夜來
講書罷如常持誦禮佛至三鼓忽厲聲念阿
彌陀佛數聲云佛来接我言訖立化是夕邦
人有夢二青衣引公向西而行傳為勝異識

與不識咸來瞻敬恨不款奉談塵而重惜焉
居士未示寂滅前三日遍囑諸人勉進道業
有此後不復再見之語初十日訪趙公省幹
借淨室去道業辦去時好乃書日課積計九
百十二萬五百貼于壁噫自非根性融明達
乎生死之理未易臻此彥弼一病垂死棺槨
衾衾已陳于前荷居士陰賜拯接遂獲平愈
可謂生死肉骨者矣或曰夢因想成然食白

粥之教安可誣也抑知居士悲願甚深功欲
及人雖在常寂光中不忘念力其勸修淨土
成佛之緣可不勉勵而進哉謹刻公像并著
感應事跡用廣其傳非敢飾辭以惑耳目故
此直述而具載之伏冀見聞敬信同霑利益
王神昭著寔證斯言公姓王名日休字虛中
號龍舒居士云是歲下元廬陵李彥弼謹記
居士平昔以淨土之說懇切勸人嘗盤桓

於鄉里允迪於是時年方二十餘適預計偕
東上且未知有佛法弗獲識公面迨犬馬
之齒至三十連嬰災患殊覺人生沈淪於
煩惱大苦海中渺無邊岸遂一意祖龔居
士之說為超脫計如是者纔三數年居士
遂立化於廬陵郡郡之人皆繪像以事之
蓋乾道癸巳之正月也後五年丁酉歲先
兄知府兵部被檄校試廬陵得所刻本以

歸允迪恐此一段奇事久之湮沒無以傳遠
遂刻諸石寘城北報恩寺之阿彌殿今此
願施居士所著淨土文一萬餘紙復以居
士慈相及丞相周益公而下贊記附于卷
末皆觀廬陵刻本也庶幾見者聞者增益
信心勉強精進則西方淨土誠不難到嘉
泰癸亥文林郎新監湖廣總領所襄陽府
戶部大軍倉旰江聶允迪合早指爪稽首謹跋

勸素享用不能持齋戒者種菩提

允迪自三十以來即焚棄筆硯步驟龍舒王居
士修西方淨土持齋戒之初於淮西邂逅一
毛通判名韓三衢人謂允迪云要之不必如此
齋戒自苦某舊日從一先生即前此住袁州
仰山老道號混齏者之父也混齏之父不必
問其持齋戒與否但常在京師富室家作館
客其為人可知然某自少從其學見渠無事

時自朝及暮自春徂冬只看圓覺經渠兒混
融者往一禪刹渠一日造其所棲泊丈室中
混融一日領衆赴人家齋渠遂與方丈中行
者云我覺得體中垢膩殊甚可具少湯水來
渠浴既浴畢乃更衣陞法座索紙筆令擊鼓
遂書一偈云踢倒須弥元無一塵木馬飛空
絕類離倫寫訖投筆于地即於法座上坐去
毛侔遂云以此觀之初不在於持齋戒自苦

也允迪因此遂大信常看圓覺經者誠了悟法
門也尋常刊印此經者必以圭峰密禪師及
裴相國所作序冠其卷之首密禪師序則自
言所注圓覺經大旨裴相國序則極口稱美
密禪師所注之義世之人皆只能讀其序罕
有見其注者允迪常讀二序亦但知尊敬高仰
密禪師而恨不及見其注比於慶元丁巳歲
因閱藏經目錄見衡字函及密禪師所注圓

覺經也遂取反復而細繹之則一大藏教之
旨趣殆了然於心目間然此但識其義耳實
不能造其境界也政儒家所謂知之非銀行
之惟銀若自家行履處能造其境湏大了
悟者即禪家所謂打破漆桶也允迪舊見禪家
常常舉張拙秀才悟道偈云光明寂照徧河
沙凡聖含靈共我家一念不生全體現六根
纔動被雲遮斷除煩惱重增病趣向真如轉

是邪隨順衆緣無罣礙涅槃生死是空華允迪
常深思其意亦未能全曉解比三數年間得
見密禪師所注圓覺經乃始曉解張拙秀才
悟道偈又方曉解佛法大意然誠但曉其義
耳實未能造其境界也如張拙秀才大悟則
言之者即其所行也行之者即其所言也欲
如張拙秀才之大悟則湏常、重修可也常
重修者常以此經玩味之耳此即參禪法

也參禪者謂之如雞抱子要令煖氣常相
續方可望其啐啄同時如混融之父常玩味
此經則其效已可見然欲深曉其義而無所
疑則密禪師之注斷不可捨但佛法中能大
了悟者便是佛菩薩位中人超出三界輪迴
之外位在天人之上又豈容易事蓋亦有時
節因緣後吾未有了悟時節因緣却且以此
常熏修在心地中即是植善根即是下菩

提種子也所以古尊宿云一塵耳根永為道
種生生不落惡趣世世不失人身允迪居常力
以西方淨土之說勸人今又譏譏誦此說蓋
淨土法門則須齋戒方能修持若未能常持
齋戒則但於清晨盥漱罷隨淺深做少工夫
亦可只專念少阿彌陀佛號或兼念觀世音
菩薩大勢至菩薩及極樂國聖衆謂之
西方四聖號今又復誦此說則一切世態人所難
禁者不必禁絕但於閒暇時以之熏修初無

難行之者要之富貴榮華世間一切快意事
人誰不樂之但非究竟法不能脫離輪迴不
能超出煩惱大苦海中生前身口意三業中
一或不善墮落惡趣則永劫沈淪受無量苦
惱惟佛法即是究竟即可以脫離輪迴超出
煩惱大苦海者也若已了悟生死脫離輪迴
却悲念衆生欲復入生死果中廣行濟度則
乘此閻浮世界現宰官身作國王大臣無不
可者非但如此而已華嚴經中謂天帝乃修
行至菩薩地位中人作以此論之則佛法可
謂是大自然大解脫法門一切所為無不如
意者可不知所勉我慶元唐申

文林郎前封州司法參軍盱江聶道
稽省奉勸

大率人情皆只留心於塵緣世態中終身營
營不肯略回心於釋教視釋教為迂闊不急

之務謂亦何暇於此要之人生賦分固自素
定一切事雖不能無求亦不在於苦苦強求
先陰迅速不覺無常忽地到來只知盡心機
於身前事未知人生自無始以來沉淪在煩
惱大苦海中茫茫無岸若不依傍佛法為船
筏則在苦海中頭出頭沒或生善道或墮惡
趣歷塵沙劫無有度脫之期身前縱不能全
留心於釋教則十分心機且以七分治生三
分為身後計是亦脫輪迴之階梯作佛菩薩
之根本也經教及古尊宿皆垂警戒有曰人
身難得佛法難逢又曰此身不向今生度更
向何生度此身又曰一失人身萬劫不復其
言炳如日星願明監之

允迪舊常見初機叅禪人但知歸教禪宗至言
西方淨土則指為着相力肆排斥殊不知釋
迦牟尼為一大事因緣出現于世是欲令衆

生了悟生死脫離輪迴苦趣再參禪一法固
爲了悟生死而設修淨土一法亦是令衆生
了悟生死也參禪有省則現世了悟生死得
生淨土則見阿彌陀佛而後了悟生死况便
證無生忍居不退轉地直至成佛而後已初
機參學人何苦獨取禪宗一法而力排淨土
之說耶大善知識未嘗不以此勸人今略採
二三說附于龍舒淨土文之末以辯明之

天台智者大師勸修行人專修淨土
設問曰諸佛菩薩以大悲爲業若欲救度衆
生祇應願生三界於五濁三塗中救苦衆生
因何求生淨土自安其身捨離衆生則是無
大慈悲專爲自利障菩提道

智者答曰菩薩有二種一者久修行菩薩道
得無生忍者實當斯責二者未得已還及初
發心凡夫凡夫菩薩者要須嘗不離佛忍力

成就方堪處三界內於惡世中救苦衆生故
智度論云具縛凡夫有大悲心願生惡世救
苦衆生者無有是處何以故惡世界煩惱強
自無忍力心隨境轉聲色所縛自墮三塗焉
能救衆生假令得生人中聖道難得或因施
戒修福得生人中得作國王大臣富貴自在
縱遇善知識不肯信用貪迷放逆廣造衆罪
乘此惡業一入三塗經無量劫後地獄出受

貧賤身若不逢善知識還墮地獄如此輪迴
至於今日人人皆如是此名難行道也故維
摩經云自疾不能救而能救諸疾人又智度
論云譬如二人各有親眷為水所溺一人情
急直入水救為無方便力故彼此俱沒一人
有方便往取船筏乘之救接悉皆得脫水溺
之難新發意菩薩亦復如是未得忍力不能
救衆生為此常須近佛得無生忍已方能救

衆生如得船者又論云譬如嬰兒不得離母
或墮坑井渴乳而死又如鳥子翅羽未成祇
得依樹附枝不能遠去翅翮成就方能飛空
自在無礙凡夫無力唯得專念阿彌陀佛使
成三昧以業成故臨終歛念得生決定不疑
見彌陀佛證無生忍已還來三界乘無生忍
船救苦衆生廣施佛事任意自在故論云遊
戲地獄行者生彼國得無生忍已還入空死

國教化地獄救苦衆生以是因緣求生淨土
願識其教故十住婆沙論名易行道也

真州長蘆隨禪師勸衆禪人兼修淨

土此係禪師蓮
地勝會序

夫以念為念以生為生者常見之所失也以
無念為無念以無生為無生者邪見之所惑也
念而無念生而無生者第一義諦也是以實
際理地不受一塵則上無諸佛之可念下無

淨土之可生佛事門中不捨一法則揔攝諸
根蓋有念佛三昧還源要術亦開往生一門
所以終日念佛而不乖於無念熾然往生而
不乖於無生故能凡聖各任自位而感應道
交東西不相往來而神遷淨域此不可得而
致詰也故經云若人聞說阿彌陀佛執持名
號乃至是人終時心不顛倒即得往生阿彌
陀佛極樂國土夫如來世尊雖分折攝二門

現居淨穢兩土然本聖之意非以娑婆國土
丘陵坑坎五趣雜居土石諸山穢惡充滿直
為可厭又非以極樂世界黃金為地行樹參
空樓聳七珍花敷四色直為可欣蓋以初心
入道忍力未淳須託淨緣以為增上何則娑
婆國土釋迦已滅彌勒未生極樂世界阿彌
陀佛現在說法娑婆國土觀音勢至徒仰嘉
名極樂世界彼二上人親為勝友娑婆國土

諸魔競作惱亂行人極樂世界大光明中決
無魔事娑婆國土邪聲雜亂女色妖嬈極樂
世界水鳥樹林咸宣妙法正報清淨實無女
人然則修行緣具無若西方淺信之人橫生
疑謗切嘗論之此方之人無不厭俗舍之煩
喧慕蘭若之寂靜故有捨家出家則殷勤讚
歎而娑婆衆苦何止俗舍之煩喧極樂優游
豈山蘭若之寂靜知出家為美而不願往生

其惑一也萬里辛勤遠求知識者蓋以發明
大事決擇生死而弥陀世尊色心業勝願力
弘深一演圓音無不明契願叅知識而不欲
見佛其惑二也叢林廣衆皆樂栖遲少衆道
場不欲依附而極樂世界一生補處其數甚
多諸上善人俱會一處既欲親近叢林而不
慕清淨海衆其惑三也此方之人上壽不過
百歲而童癡老耄疾病相仍昏沉睡眠常居

大半菩薩猶昏隔陰聲聞尚昧出胎則尺璧寸陰十喪其九而未登不退可謂寒心西方之人壽命無量一托蓮苞更無死苦相續無間直至菩提所以便獲阿惟越致佛階決定可期流轉娑婆促景而不知淨土長年其惑四也若乃位居不退果證無生在欲無欲居塵不塵方能興無緣慈運同體悲迴入塵勞和光五濁其有淺聞單慧或與少善相應便

謂永出四流高超十地詆訶淨土耽戀娑婆掩目空歸死然流浪並肩牛馬接武泥犁不知自是何人擬此大權菩薩其惑五也故經云應當發願願生彼國則不信諸佛誠言不願往生淨土豈不甚迷哉若夫信佛言而生淨土則累繫之所不能拘劫波之所不能害謝人間之八苦無天上之五衰尚無惡道之名何況有實唯顯一乘之法決定無三歸依

一體三寶奉事十方如來佛光照體萬惑潛
消法味資神六通具足三十七品助道法應
念圓成三十二應隨類身遍週塵刹周旋五
趣普被諸根不動一心遍行三昧灑定水於
三千出衆生於火宅自利利它皆悉圓滿然
則唯心淨土自性阿彌蓋解脫之要門修行
之捷徑是以了義大乘無不指歸淨土前賢
後聖自他皆願往生凡以欲得度人先須自

度故也嗚呼人無遠慮必有近憂一失人身
萬劫深悔故率大海衆各念彌陀佛百聲千
聲乃至萬聲迴向同緣願生彼國切冀蓮池
勝會金地法明綺互相資必諧斯願操舟順
水更加櫓棹之功則十萬遙程不勞而至矣
元祐四年冬竊夜夢一男子烏巾白衣可三
十許風兒清美舉措閑雅揖謂宗曠曰欲入公
彌陀會告書一名宗曠乃取蓮華勝會錄秉筆

問曰公何名云普惠宗書已白衣者又云家
兄亦告上名宗問曰令兄何名云普賢言訖
遂隱宗覺而詢諸者宿皆云華嚴離世間品
有二大菩薩名宗以為佛子行佛事助佛揚
化必有賢聖幽贊然則預此會者豈小緣哉
今乃以二大菩薩為此會首云

杭州永明壽禪師戒無證悟人勿輕淨土

設問曰但見性悟道便超生死何用繫念彼
佛求生他方

答曰真修行人應自密察如人飲水冷暖自
知今存龜鑑以破多惑諸仁者當觀自己行
解見性悟道捷如來記紹祖師位能如馬鳴
龍樹否得無礙辯才證法華三昧能如天台
智者否宗說皆通行解兼修能如忠國師否
此諸大士皆明垂言教深勸往生蓋是利
利他豈肯悞人自悞况大雄讚歎金口丁寧

希從昔賢恭稟佛勅定不謬悞也仍往生傳
所載古今高士事迹顯著非一且勤觀覽以
自照知又當自度臨命終時生死去住定得
自在否自無始來惡業重障定不現前此一
報身定脫輪迴否三涂惡道異類中行出沒
自由定無苦惱否天下人間十方世界隨意
寄託定無滯礙否若了了自信得及何善
如之若其未也莫以一時真高却致永劫沉

淪自失善利將復尤以嗚呼哀哉何嗟及矣
右隲禪師語見律部勸化集中智者大師
及壽禪師語見本朝王敏仲侍郎直指
淨土決疑集中侍郎名古在摺紬間為神
仙所知鍾離真人嘗與詩云風燈泡沫兩
相悲未肯遺榮自保持領下藏珠當猛取
身中有道更求誰才高雅稱神仙骨智照
靈如大寶龜一半青山無賣處約君携手

話希夷由此觀之可見侍郎為非凡且益
知西方淨土所宜歸心也

龍舒增廣淨土文卷之十二

身為苦本覺悟早修

只這色身誰信身為苦本盡貪世樂不知樂
是苦因浮生易度豈是久居幻質非堅總歸
磨滅自來入胞胎之日寧有這男女之形只
緣地水火風假合而成不免生老病死彫殘
之苦上無絲線可掛下沒根株所生虛浮如
水上泡湏臾不久危脆似草頭露倏忽便無
長年者不過六七十以皆亡短命者大都三

二十而早夭又有今日不知來日事又有上

床別了下床時幾多一息不來便覺千秋永

別雪峰頌一盞孤燈照夜臺上奉服了義和
別鞋三魂七魄夢中玄未委明朝來不來

歎此身無有是處索誰人不被他瞞筋纏七

尺骨頸皮裹一包肉塊九孔常流不淨六根

恣逞無明髮毛爪齒聚若堆塵涕唾精液汚

如行廁裏面盡蛆虫聚會外顏招蚊虱交攢

沾一災一疾皆死得人更大熱大寒催人易

老眼被色牽歸餓鬼耳隨聲去入阿鼻口頭

喫盡味千般死後只添油幾滴張魁詩云紅

瞞無位真人赤肉團敗壞不此身無可愛惜

諸人當願出離如何迷昧底尚逞風流矇董

漢猶生顛倒或有骷髏頭上簪花簪草或有

臭皮袋畔帶麝帶香羅衣罩了膿血囊錦被

遮却屎尿桶用盡好心百計將謂住世萬年

不知頸痛眼花閻羅王接人來到那更鬢斑

齒損無常鬼寄信相尋箇二意色貪財盡是

失人身捷徑日二飲酒食肉無非種地獄深

根眼前圖快活一時身後受苦辛萬劫淨土

包血肉骨纏筋顛倒凡夫認作身到一旦命

根絕處四大風刃割時外則脚手牽抽內則

肝腸痛裂縱使妻兒相惜無計留君假饒骨

肉滿前有誰替汝古頌父母恩深終有別夫

同林宿大限生底只得悲啼痛切死者不免

來時各自飛

神識奔馳前途不見光明舉眼全無伴侶過

李河岸見之無不悲傷入鬼門關到者盡昏

悽慘世上纔經七日陰間押見十王曹官抱

桡没人情獄卒持叉無笑面平生作善者送

歸天道仙道人道在日造惡者押入湯塗火

塗刃塗鏃湯沸若崖崩劒樹勢如山鐵灌銅

汁而遍身肉爛吞鐵丸而滿口煙生遭剉磕

則血肉淋漓入寒水則皮膚凍裂身碎業風

吹再活命終羅刹喝重生人間應盡百春秋

獄內方為一晝夜延光集雙湯炒炭喧幽壤

終八萬劫獄卒魂魄雖歸鬼界身屍猶臥棺

牛頭始放中或隔三朝五朝或當六月七月腐爛則出

虫出血臭穢則熏地熏天逆脹不堪觀醜惡

真可怕催促付一堆野火斷送埋萬里荒山

皆時要情紅顏翻成灰燼今日荒涼白骨瘦

作泥堆寒山頌胭脂畫面橋千樣龍麝熏衣

寒 後前恩愛到此城空自昔英雄如今何

在淚雨洒時空寂寂悲風動處冷颼颼夜闌

而鬼哭神號歲久而鴉餐雀啄荒草畔謾留

碑石綠楊中空掛紙錢下捐頸難免如斯到

這裏怎生不醒寒山云雀咬鴉食皮肉盡風

觀者自把形骸子細觀大家具眼休更埋頭翻身跳出

迷津彈指裂開愛網休向鬼窟裏作活計要

知肉團上有真人是男是女總堪修若智若

愚皆有分但請迴光返照便知本體元無若
未能學道參禪也且勤持齋念佛捨惡歸善
改往修來移六賊為六神通離八苦得八自
在便好替天行化不妨代佛接人對衆為大
衆宣揚歸家為一家解說使處處齊知覺悟
教人人盡免沉淪上助諸佛轉法輪下拔衆
生離苦海佛言不信何言可信人道不修何
道可修莫教一日換了皮縱有千佛難救汝

火急進步時不待人各請直下承當莫使此

生空過


寒山云百嚴潰散雜塵泥一物長靈
復是誰不得此時通線路骷髏著地

幾人獅子峰如二顏丙奉勸

龍舒增廣淨土文卷第十三終



國家圖書館, NATIONAL CENTRAL LIBRARY, TAIWAN, R.O.C.



附錄

慈照宗主臨終三疑

慈照宗主淨土十門告誡云念佛人臨終三疑不生淨土一者疑我生來作業極重修行日淺恐不得生二者疑我欠人債負或有心願未了及貪嗔癡未息恐不得生三者疑我雖念彌陀臨命終時恐佛不來迎接有此三疑因疑成障失其正念不得往生故念佛之

人切要諦信佛經明旨勿生疑心經云念阿
彌陀佛一聲滅八十億劫生死重罪上至一
心不亂下至十念成功接向九蓮令辭五濁
苟能心心不昧念念無差則疑情永斷決定
往生矣

善導和尚臨終往生正念文

知歸子問曰世事之大莫越生死一息不來
便屬後世一念差錯便墮輪迴小子累蒙開

誨念佛往生之法其理甚明又恐病來死至
之時心識散亂仍慮他人感動正念忘失淨
因伏望重示歸徑之方俾脫沉淪之苦師曰
善哉問也凡一切人命終欲生淨土須是不
得怕死常念此身多苦不淨惡業種種交纏
若得捨此穢身超生淨土受無量快樂解脫
生死苦趣乃是稱意之事如脫弊衣得換珍
服但當放下身心莫生戀著凡遇有病之時

便念無常一心待死叮囑家人及看病人往
來問候人凡來我前為我念佛不得說眼前
閑雜之話家中長短之事亦不須軟語安慰
祝願安樂此皆虛花無益之語若病重將終
之際親屬不得垂淚哭泣及發嗟嘆懊惱之
聲惑亂心神失其正念但一時同聲念佛待
氣盡了方可哀泣纔有緣毫慙世間心便域
聖礎不得解脫若得明曉淨土之人頻來策

勸極為大幸若依此者決定超生即無疑矣
又問曰求醫服藥還可用否荅曰求醫服藥
初不相妨然藥者只能醫病不能醫命命若
盡時藥豈奈何若殺物命為藥以求身安此
則不可余多見世人因病持齋方獲小愈復
為醫者以酒食血肉佐藥其病復作信知佛
力可救酒肉無益也又問曰求神祈福如何
荅曰人命長短生時已定何假鬼神延之耶

若迷惑信邪殺害衆生祭祀神鬼但增罪業
及損壽矣大命若盡小鬼奈何空自惶惶俱
無所濟切宜謹之當以此文恒向目前時時
見之免致臨危忘失又問曰平生未曾念佛
人還用得否答曰此法僧人俗人未念佛人
用之皆得往生決無疑也余多見世人於平
常念佛禮讚發願求生西方甚是勤拳及至
臨病却又怕死都不說着往生解脫之事直
待氣消命盡識投冥界方始十念鳴鐘恰如
賊玄關門濟何事也死門事大湏是自家着
力始得若一念差錯應劫受苦誰人相代思
之思之若無事時當以此法精進受持是為
臨終大事

至治壬戌上元日同修淨土
滄洲老人鄭道堅重刊此文
奉勸善人同躋覺道者令男

文監拜手謹書

賈福江發心刊板印施流通

